

## Q V Æ S T I O M E D I C A

Quodlibetariis disputationibus manè discutienda in Scholis Medicorum die Jovis 28. Januarij.

M. LVDOVICO POIRIER, Doctore Medico, Præside.

*Est-ne ullum sani hominis excrementum corpori inutile?*

**Q**UICQUID humoris continetur humano corpore, id Alimentum est aut Excrementum. Alterum ab altero longe dispar & substantiæ & præparationis modo. Alimentum quidem variâ ventriculi, viscerumque aliorum ope aptatum sufficitur singulis partibus resciciendis. Excrementum verò, genus istud humoris ab alimento degeneris, tantum abest à nutriendi facultate, quantum alimentum ab excrementi ignobilitate, quæ ex coctione quilibet ei contingit. Nunquam igitur chylum, ut ut esset suis adhuc sordibus impurior, hoc nomine contaminabis; nunquam sani hominis sanguinem, quandiu venis capitur, ut ut copiâ cumulationis morbum intenderet, vel naturæ jussu menstruum medietate fugam. De medullâ autem ossium dubitandi locum nec sordidi auctores dederunt, num hæc alimenti potius quam excrementi tribu excipi debeat? E quâ deinde pinguedo rejicitur, quasi excrementum haud natum excerni; cujus natura ideo inhabili ad alendum indole æquius æstimari possit, quam ullâ de corpore exeundi necessitate. Quamobrem velut Aristocratica Respublica summum jus omne non adeo tribuit optimatibus, plebique decernit obsequium, quin hæc illis maxime profit ad imperij incolumitatem: Neque etiam in corporis familiâ, alimentum ita tenet principem humoris locum, quin viliori etiam excremento, nedum lacti, semini, pinguedini sua relinquatur utilitatis tessera, in communem hominis salutem conferenda.

**S**ANUS homo suarum esse debet integer functionum. Sed pro cuiusque coctionis modulo, seu privata sit seu publica, nihilofecius assiduam & multiplicem patietur excrementi ab alimento secretionem: cujus rudimenta primum in ventriculô ponuntur, ac deinceps in intestinis stercus perficitur & pituita, quâ nihil frequentius, nihil obscurius in ore Medicorum. Deinde quocunque in viscere, five in secore, five in corde cudatur sanguis, ex ejus elaboratione hinc bilis superstes videtur, inde creditur melancholicus succus, tam incertæ sedis, quam virtutis. Interea chylus altiores pervadit viarum labyrinthos, nec non alter humor ad alendum chylo longe paratior quoquoeversum decurrit, vehiculo feri, quod longe ab ichore discrepat. Hoc autem commune totius corporis excrementum, five ex aliquo sale fufum fuerit, five ex aqueâ potius ciborumque portione liquidum, perinde ad urinas defluit & sudores, lacrymas, mucus, salivam, sputum, tot partium peculiare veluti sordes, quæ non secus ac aurium recrementa privatam consequuntur nutritionem, quemadmodum & aliæ diversi generis quamplures, quæ interno, & externo perspirationis beneficio sensim sine sensu emittuntur, instar fuliginum ex quâcunque corporis regionculâ occultè vel apertè erumpunt.

**N**EQUE hæc de corpore exeundi ratio impedit, quominus excrementum sani hominis corpore conceptum, & publicam & privatam coctionem promoveat, suo quodque Naturæ modo non vitiosum. Quid enim salivâ vilis, aut facilius excerni? Hæc tamen man'os in ore cibos diluit, dilutos in ventriculô incidit, & potus intervntu in cremorem liquat, elixum calido auxilio fecum, quibus nihil spurcius aut inutilius videbitur: quanquam per amplissimos intestinorum tubulos circumlaræ, subtus hepatis & ventriculi officinam, ac circumcirca Mesenterij sentinas, nonnihil valeant ad chylum conficiendum, & confectum ad suos viarum ductus agendum. Non secus ac Olitores, Agricola, vel Chymici pleraque opera ad maunitatem fimo perducunt, ita etiam natura: Quæ præterea simi humani descensum tacito bilis stimulo accelerat, pituitâ intestinis obducta ne acrius lædantur, & stercoris bilisque vehementioris aculeos parumper obtundente. In quo multiplici officio torplex excrementi genus eritne inutile, sine quo vel plurimum bonitatis à sanguine decederet? Quid si vitale in corde flammam à moderatâ bile excitari dicereamus, quemadmodum ab immoderatâ febrilem? Quid si pancreaticus succus à nobis melancholici instar haberetur ad famem excitandam? Is saltem suâ partium agilitate chylum sursum deorsumque impellens, vacuitatem infert, à quâ certior esse queat quotidianæ famis sensus & origo, quam ab ullâ ventriculi contractione per melancholicas reliquias.

**V**ERUM excrementi utilitas non adeo ex novitatis arbitrio pendet. Jamdiu serum, toti corpori, & cuivis coctioni longe communius quàm cuivis morbo, succum omnem mobiliorem reddit, facilioremque ad intimos partium recessus subeundos nutritionis gratiâ, eò quidem infeliciois, quò altioris humor ad modum Sambucinæ medullæ magis concreveret suo non dissolutus seroso excremento. Hoc deinceps quocunque pervadit ex Naturæ lege, ibi certa relinquit vestigia suæ ad bene vivendum opportunitatis tum externo corporis habitui præstita, quem ultimis sordibus, cuiusque sint generis, facilius expedit, si satis diluantur, tum cerebro, ubi spiritus ad animi munera tenues desiderantur & sanguine biliosissimo, quem serum suâ lymphâ temperat, ne desultoriis nimis evagentur. An inde humor qui per nervos ad lymphatica vasa pertinere, & ex eis ad venas redire vulgatur? Sed ne quid turbaram latentem adhuc in herbâ anguem excitet, satis sit mucus ex hoc fonte, faucium linguæ ac palati uliginem derivare, ad lubricam istarum partium mobilitatem. Quidquid deinde biliosi recrementi fuerit de sanguine animalis delibatum; id nisi in pilos abeat, ad externam auris concham rejicitur: non sine usu humoris prius attenuati, quisquis lentior, aut vaporis discussus, quisquis turbidior, mentis splendorem obscuraret. Quid igitur magis dubitas suam in corpore utilitatem cuivis excremento, alimenti utilitate minorem tribuere, quam in rerum universitate suam cuivis animalculo dignitatis speciem, quamvis humanâ inferiorem?

**S**I quid frustra de rerum usu dicitur à Medico, nihil tamen conjice frustra factum à Naturæ autore, qui suâ sapientiâ nihil non dirigit ad finem sibi propositum. Felix est qui hunc animo assequitur; neque adeo infelix qui cum studiose inquirens, rei alicujus usum etiam ex necessitate materiæ profectum, cum ignorato fine confundit. Nam quorsum pili, non melius quam ungues inter excrementa numerati? An ut caput defendant, ac vestiant? Sed quorsum sub hirc, & ad pubem? Expecta naturæ vocem: Neque forsitan erunt aliquando his locis, quam palpebris, aut superciliis inutiliores. Nempe in salubri hominis fabricâ, ne excrementum quidem debuit ab aliquâ corporis commoditate aberrare, ut inde sanitas & vita conservaretur, unde morbus consequitur & mors. Alvus enim statâ suâ naturæ periodo libera, quid non alacritatis animo & corpori importat? Eiusdem pigrities, quid deinde non confusiois & molestiæ? Vaga bilis nonne regio morbo retinet & tardigradam & decolor stercus? Quot denique homines è vivis crepti ob exhaustum suo excremento folliculum? Quot præterea ob plurimum humorum simul & semel vacuatum, seu purulentum, seu aquosum effluxerit? Tantine esse potest ad vitam momenti lethale tabum; neque majoris intererunt partes humorum, ad alendum quidem ineptæ, sed quæ suum munus aliâ utilitate implent?

*Nullum est igitur sani hominis excrementum corpori inutile.*

## DOMINI DOCTORES DISPUTATURI.

M. Ioannes Baptista Ferrand.  
M. Carolus Marteau.  
M. Antonius le Moine, Decanus.

M. Guido Crescentinus Fagon Regia Familie Medicus Ordinarius.  
M. Jacobus de Bourges.  
M. Petrus Legier.

M. Germanus Preaux.  
M. Franciscus Blondel.  
M. Iacobus Renaud.

Proponebat Parisiis CLAUDIUS HUGOT Cabilonenfis. A. R. S. H. MDCLXXVII.

